

. Bosna i Hercegovina

Federacija Bosne i Hercegovine

OPĆA BOLNICA TEŠANJ

INFORMACIJA

O EFEKTIMA MJERA EKONOMSKE STABILIZACIJE

FEBRUAR – SEPTEMBAR 2013. GODINE

Efekti mjera ekonomske stabilizacije

Efekti mjera ekonomske stabilizacije koje su poduzete u proteklom periodu su vidljivi na polugodišnjem obračunu i u finansijskom izvještaju za period od 01.01.-30.06.2013 godine gdje je vidljivo da je došlo do smanjenja troškova i povećanja prihoda što je za efekat imalo pozitivan finansijski rezultat.

Najveći efekat uočen je na smanjenju troškova plata radnika. Uglavnom se radi o platama doktora. Ovaj finansijski efekat je postignut drugačijom preraspodjelom radnog vremena. Ušteda na mjesečnom nivou iznosi oko 15.000,00 KM.

Efekti uštede u korištenju toplotne energije na nivou sezone grijanja iznose oko 25.000,00 KM, dakle mjesečno preko 4.000,00 KM. Navedeno je rezultat kako mjera uštede i vremenskih prilika, tako i upornih razgovora menadžmenta Bolnice sa menadžmetom Toplance. Napominjemo da ovdje postoje velike rezerve koje bi se mogle ostvariti izgradnjom vlastite kotlovnice, što se potvrđuje i urađenim studijama i projektima racionalizacije potrošnje energije.

Najveće povećanje prihoda ostvareno je po osnovu povećanja redovnog prihoda Zavoda zdravstvenog osiguranja po osnovu priznavanja usluga koje se rade u Bolnici, a koje ranije nisu bile finansirane od strane Zavoda u iznosu oko 100.000,00 KM.

Ostale mjere koje su pomenute i predviđene u planu ekonomske stabilizacije nisu imale efekat u ovom periodu, te se očekuje njihova realizacija u narednom periodu.

Digitalizacija rengen dijagnostike koja je planirana u cilju uštede biće realizovana po pribavljanju novčanih sredstava, kao i proširenje djelatnosti laboratorijske dijagnostike.

Što se tiče rada Ginekološko-porođajnog odjela još se nisu stekli uslovi za poboljšanje navedenog stanja, na čemu ćemo u narednom periodu posebno insistirati.

Vezano za izmještanje OO Crveni križ Tešanj, napominjemo da razgovori sa Upravnim odborom Crvenog križa nisu doveli do realizacije naših zahtjeva i njihovog izmještanja iz prostorija Bolnice, tako da iz ovog segmenta nismo ostvarili planirane efekte.

Projekti energetske efikasnosti su dostavljeni Kantonalnom i Federalnom ministarstvu okoliša, ali njihova realizacija ovisi o globalnoj situaciji u državi, tako da iz ove oblasti nismo ostvarili nikakve efekte.

Rješavanje problema zajedničkog parkinga je u fazi početnih razgovora sa novim menadžmentom Doma zdravlja.

Dosadašnje provedene mjere ekonomske stabilizacije do kraja mjeseca septembra 2013 godine rezultirale su smanjenjem troškova i povećanjem prihoda za navedeni period u i finansijskom iznosu efekat toga je 200.000,00 KM što je dovelo i do smanjenja obaveza prema dobavljačima za gore navedeni iznos.

Obzirom na mjesečni nivo realizacije mjera stabilizacije postoje objektivni pokazatelji da će planirani zadaci biti i realizirani.

Direktor

Dr.med.sci. Rifat Sejdinović

Datum: 20.11.2013. godine

Broj: 6542 / 13